

Абай облысы мәслихатының 2023 жылғы 15 қарашадағы № 9/65-VIII "Абай облысының елді мекендердің жасыл екпелерін жасау, күтіп-баптау және қорғау қағидаларын бекіту туралы" шешіміне өзгерістер мен толықтыру енгізу туралы

Абай облысы мәслихатының 2025 жылғы 10 сәуірдегі № 25/174-VIII шешімі

Абай облысы мәслихаты ШЕШТІ:

1. Абай облысы мәслихатының 2023 жылғы 15 қарашадағы № 9/65-VIII "Абай облысының елді мекендердің жасыл екпелерін жасау, күтіп-баптау және қорғау қағидаларын бекіту туралы" шешіміне келесі өзгерістер мен толықтыру енгізілсін:

Абай облысы мәслихатының көрсетілген шешімімен бекітілген қосымшасында:

4-тараудың тақырыбы жаңа редакцияда жазылсын:

"4-тарау. Жасыл желектерді құру, күтіп-ұстау және қорғау жөніндегі шаралар";

27-тармақ жаңа редакцияда жазылсын:

"27. Жасыл екпелерді құру, күтіп ұстау және қорғау өзара байланысты жұмыстардың мынадай кешендеріне бөлінеді:

1) ағаштарды, бұталарды, көпжылдық гүлдер мен бұталы қоршауды үш жылдық күтіммен (қажет болса топырақты ауыстыру арқылы) отырғызу;

2) бір жылдық гүлзарлар мен көгалдардың құрылысы;

3) ағаштарды кесу, қайта отырғызу;

4) үш жылдық күтімімен ағаштарды өтемдік отырғызу;

5) жасыл екпелерді күтіп-ұстау (жасыл екпелерді күту және оларға қызмет көрсету);

6) жасыл екпелерді мониторингтеу, түгендеу.";

келесі мазмұндағы 27-1-тармақпен толықтырылсын:

"27-1. Жасыл екпелерді күтіп-ұстау (жасыл екпелерді күту және оларға қызмет көрсету) келесіні қамтиды:

ағаштардың дінгек қуысын орнатумен және оларды қопсыту және арамшөптерден тазарту;

ағаш діңін ақтау;

бұталы қоршауды кесу, ағаштардың діңін көтеру, өскінді алып тастау;

шөп шабу, арамшөптерді жою;

жасыл екпелерді қымтау (ағаштар, бұталар, көпжылдық гүлдер);

бүкіл вегетациялық кезеңде жасыл екпелерді суару;

ағаш тәжін тәждеу;

ағаштардың тәжін қалыптастыру;

қаңқа және жартылай қаңқа бөліктерін сақтай отырып, ағаш-бұта өсімдіктерінің биологиялық ерекшеліктеріне сүйене отырып жасартатын кесу;

апатты, қураған ағаштар мен бұталарды санитарлық кесу, дiңгектердi тамырымен жұлуды;

тыңайтқыштарды қолдануды;

жасыл екпелердiң зиянкестерiмен және ауруларымен күресуді;

қуыстарды тазалау және пломбалау, аралау орындарын өңдеуді.";

59 тармақ мынадай редакцияда жазылсын:

"59. Қазақстан Республикасының орман заңнамасын бұзудан келтірілген залалдың мөлшерін Қазақстан Республикасы Экология және табиғи ресурстар министрінің міндетін атқарушының 2023 жылғы 22 қыркүйектегі № 265 бұйрығымен бекітілген Қазақстан Республикасының орман заңнамасын бұзудан келтірілген залалдың мөлшерін есептеуге арналған базалық ставкаларға (Нормативтік құқықтық актілерді мемлекеттік тіркеу тізілімінде № 33476 болып тіркелген) сәйкес уәкілетті орган есептейді."

2. Осы шешім алғашқы ресми жарияланған күнінен кейін күнтізбелік он күн өткен соң қолданысқа енгізіледі.

Абай облысы маслихатының төрағасы

Ш. Байбеков